



Халқ сўзи

Ўзбекистон – келажаги буюк давлат

2021 йил – Ёшларни қўллаб-қувватлаш ва аҳоли саломатлигини мустақамлаш йили

1991 йил 1 январдан чиқа бошлаган

WWW.XS.UZ

E-mail: Info@xs.uz

2021 йил 13 ноябрь, № 243 (8023)

Шанба

Сайтга ўтиш учун QR-кодни телефонингиз орқали сканер қилинг.



ТУРКИЙ ТИЛЛИ ДАВЛАТЛАР ҲАМКОРЛИК КЕНГАШИНИНГ САККИЗИНЧИ САММИТИ

Хабар берганимиздек, Ўзбекистон Республикаси Президенти Шавкат Мирзиёев Туркий тилли давлатлар ҳамкорлик Кенгашининг саккизинчи саммитида иштирок этиш учун 11-12 ноябрь кунлари Туркия Республикасида ташриф билан бўлди.



TÜRK DİLİ KONUŞAN ÜLKELER İŞBİRLİĞİ KONSEYİ
DEVLET BAŞKANLARI 8. ZİRVESİ
İSTANBUL, 12 KASIM 2021



8TH SUMMIT OF THE HEADS OF STATE OF THE
COOPERATION COUNCIL OF TURKIC SPEAKING STATES
İSTANBUL, 12 NOVEMBER 2021

Саммитнинг асосий тадбирлари 12 ноябрь куни ўтказилди.

Истанбул шаҳрида Туркий кенгаш котибиятининг янги биноси олдида байроқ кўтариш маросими бўлиб ўтди.

Маросимда Ўзбекистон Республикаси Президенти Шавкат Мирзиёев ва қардош мамлакатлар раҳбарлари иштирок этдилар.

Ўзбекистон, Озарбайжон, Туркия, Қирғизистон, Қозоғистон, шунингдек, Венгрия, Туркменистон ва ташкилотнинг байроқлари тантанали равишда кўтарилди.

Ушбу котибият ташкилот мақсад ва вазифаларини амалга оширишда бундан буюн ҳам муҳим ўрин тутишига умид билдирилди.

Туркий кенгаш котибияти биноси XIX аср бошида барпо этилган ҳамда Истанбул шаҳрининг Фотиҳ туманида жойлашган.

Шундан сўнг Президент Шавкат Мирзиёев Туркий тилли давлатлар ҳамкорлик Кенгашининг саккизинчи саммитида иштирок этди.

(Давоми 2-бетда).

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ТУРКИЙ ТИЛЛИ ДАВЛАТЛАР ҲАМКОРЛИК КЕНГАШИ САММИТИДАГИ НУТҚИ

Мухтарам Режеп Таййип Эрдоған Жаноби Олийлари!

Хурматли давлат ва ҳукумат раҳбарлари! Жаҳон цивилизациялари чорраҳасида жойлашган гўзал Туркия замида, қадимий тарихга эга Демократия ва озодлик оролида сизлар билан дийдор қўришиб турганимдан бениҳоя мамнунман.

Авваламбор, Озарбайжон Республикаси Президенти, хурматли Илҳом Гейдарович

Алиевга Ташкилотимизга самарали раислик қилгани учун миннатдорчилик изҳор этаман.

Озарбайжон халқини мамлакат ҳудудий яхлитлиги тикланиб, тарихий адолат қарор топган қутлуг сана — Галаба куни муносабати билан чин дилдан табриклайман.

Шу билан бирга, хурматли Илҳом Гейдарович, Сизни "Туркий дунёнинг Олий ордени"га сазовор бўлганингиз билан ҳам самимий табриклайман.

Учрашувимиз мезбони, қардошим, Туркия Республикаси Президенти Режеп Таййип Эрдоған Жаноби Олийларига анжуманимизни юқори даражада ташкил этгани учун алоҳида ташаккур айтман ҳамда Ташкилотимизга раисликни қабул қилиб олгани билан чин дилдан қутлайман.

Анжуманимизда қадрли дўстимиз, Туркменистон Президенти Гурбангули

Мялиқгулиев БЕРДИМУҲАМЕДОВНИ кўриб турганимдан беҳад мамнунман.

Туркменистонга Ташкилотимизнинг кузатувчи мақоми берилиши тўғрисидаги тарихий қарорни тўлиқ қўллаб-қувватлайман.

Бугун саммитимизда Ташкилотимиз асосчиларидан бири, фахрий раисимиз, Қозоғистон Республикасининг Биринчи Президенти — Элбоши мухтарам Нурсултон Абишевич Назарбоев видеомурожаат

билан иштирок этганини олқишлаймиз.

Хурматли делегациялар раҳбарлари! Умумий тил ва муштарак қадриятлар бирлиги асосида шаклланган Кенгашимиз доирасида бугунги кунда сиёсий, савдо-иқтисодий, сармоявий, транспорт-логистика ва маданий-гуманитар соҳалардаги ҳамкорлик жадал ривожланмоқда.

(Давоми 2-бетда).

ЎЗБЕКИСТОН ВА ТУРКИЯ ПРЕЗИДЕНТЛАРИ КЎП ҚИРРАЛИ ШЕРИКЛИКНИ КЕНГАЙТИРИШ ЙЎЛЛАРИНИ МУҲОКАМА ҚИЛДИЛАР

Ўзбекистон Республикаси Президенти Шавкат Мирзиёев 12 ноябрь куни Туркия Республикаси Президенти Режеп Таййип Эрдоған билан учрашди.



Давлатимиз раҳбари Туркия етакчисини Туркий тилли давлатлар ҳамкорлик Кенгашининг саммити муваффақиятли ўтказилгани ва ушбу нуфузли минтақавий тузилмага раисликни қабул қилиб олгани билан яна бир бор табриклайди.

Президентлар Ўзбекистон — Туркия стратегик шериклик ва кўп қиррали ҳам-

корлик муносабатларини янада мустақамлашнинг долзарб масалаларини кўриб чиқдилар.

Савдо-иқтисодий ва инвестициявий ҳамкорликдаги бугунги юқори суръатларни сақлаб қолиш, товар айирбошлашни кўпайтириш, икки мамлакат етакчи корхона, компания ва банклари кооперациясини

кучайтириш муҳим экани таъкидланди.

Гуманитар алоқалар фаоллашгани, Ўзбекистон ва Туркияда маданий тадбирлар мунтазам ўтказилаётгани мамнуният билан қайд этилди.

Минтақа кун тартибидagi масалалар юзасидан ҳам фикр алмашилди.

Ў.А.

ЎЗБЕКИСТОН ВА ҚИРҒИЗИСТОН ЕТАКЧИЛАРИ ИККИ ТОМОНЛАМА МУНОСАБАТЛАРНИНГ ДОЛЗАРБ МАСАЛАЛАРИНИ МУҲОКАМА ҚИЛДИЛАР

Ўзбекистон Республикаси Президенти Шавкат Мирзиёев 12 ноябрь куни Истанбул шаҳрида Туркий кенгаш саммити доирасида ўзига ажратилган қароргоҳда Қирғиз Республикаси Президенти Садир Жапаров билан учрашув ўтказди.



Давлат раҳбарларининг жорий йил март ойида Тошкентда ўтган учрашуви чоғида эришилган келишувларни амалга ошириш масалалари кўриб чиқилди.

Савдо-иқтисодий ҳамкорлик барқарор сурат билан ривожланиб бораётгани мамнуният билан қайд этилди.

Товар айирбошлаш ва юк ташиш ҳажмлари ортмоқда, авиақатновлар кўпаймоқда. Машинасозлик, электротехника,

энергетика, қишлоқ хўжалиги, логистика ва бошқа тармоқларда, шу жумладан, янгидан ташкил этилган Қўшма инвестиция жамғармаси ресурсларини жалб қилган ҳолда истиқболли кооперация лойиҳалари ишлаб чиқилмоқда.

Маданий алмашинувлар кенгаймоқда, муҳим гуманитар дастурлар амалга оширилмоқда.

Хитой — Қирғизистон — Ўзбекистон

темир йўлини қуриш лойиҳасини жадал илгари суришга алоҳида эътибор қаратилди.

Шунингдек, минтақавий ҳамкорлик, шу жумладан, Туркий тилли давлатлар ҳамкорлик Кенгаши доирасидаги шерикликнинг долзарб масалалари юзасидан фикр алмашилди.

Ў.А.

Ўзбекистон Республикаси Президенти Матбуот хизмати суратлари.

